



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ՎՃՌԱԲԵԿ ԴԱՏԱՐԱՆԻ ՔՐԵԱԿԱՆ ՊԱԼԱՏ
Ո Ր Ո Շ ՈՒ Մ

ՎԱՐՈՒՅԹԻ ԸՆԴԴԱՏՈՒԹՅԱՆ ՀԱՐՑԸ ԼՈՒԾԵԼՈՒ ՄԱՍԻՆ

20 հոկտեմբերի 2025 թվական

ք.Երևան

Հայաստանի Հանրապետության Վճռաբեկ դատարանի քրեական պալատը,

նախագահությամբ՝
մասնակցությամբ դատավորներ՝

Հ.ԱՍԱՏՐՅԱՆԻ
Հ.ԳՐԻԳՈՐՅԱՆԻ
Ա.ԴԱՆԻԵԼՅԱՆԻ
Լ.ԹԱԴԵՎՈՍՅԱՆԻ
Ա.ՊՈՂՈՍՅԱՆԻ

ուսումնասիրելով թիվ ՇԴ/0545/01/25 քրեական վարույթի ընդդատության հարցը լուծելու համար Վճռաբեկ դատարանի քրեական պալատ ուղարկելու մասին Երևան քաղաքի առաջին ատյանի ընդհանուր իրավասության քրեական դատարանի՝ 2025 թվականի հոկտեմբերի 10-ի որոշումը,

Պ Ա Ր Զ Ե Ց

Վարույթի դատավարական նախապատմությունը.

1. 2025 թվականի սեպտեմբերի 12-ին Շիրակի մարզի առաջին ատյանի ընդհանուր իրավասության դատարան է ստացվել Վլադիմիր Սերգեյի Պետրոսյանի վերաբերյալ՝ ՀՀ քրեական օրենսգրքի 257-րդ հոդվածի 3-րդ մասի 3-րդ կետով և

257-րդ հոդվածի 2-րդ մասի 3-րդ կետով թիվ 69137625 (ՇԴ/0545/01/25) քրեական վարույթը:

1.1. Շիրակի մարզի առաջին ատյանի ընդհանուր իրավասության դատարանը (դատավոր Հ.Իսրայելյան) 2025 թվականի սեպտեմբերի 17-ին որոշում է կայացրել թիվ ՇԴ/0545/01/25 քրեական վարույթն ստանձնելու և նախնական դատախոսներ նշանակելու մասին:

Շիրակի մարզի առաջին ատյանի ընդհանուր իրավասության դատարանը 2025 թվականի սեպտեմբերի 30-ին՝ նախնական դատախոսների ընթացքում, որոշում է կայացրել թիվ ՇԴ/0545/01/25 քրեական վարույթի տարածքային ընդդատությունը փոխելու և վարույթը Երևան քաղաքի առաջին ատյանի ընդհանուր իրավասության քրեական դատարան փոխանցելու մասին:

2. Երևան քաղաքի առաջին ատյանի ընդհանուր իրավասության քրեական դատարանը (դատավոր Հ.Մանուկյան) 2025 թվականի հոկտեմբերի 10-ին որոշում է կայացրել թիվ ՇԴ/0545/01/25 քրեական վարույթը Վճռաբեկ դատարանի քրեական պալատ ուղարկելու մասին՝ ընդդատության հարցը լուծելու համար:

3. Քրեական վարույթը Վճռաբեկ դատարանում ստացվել է 2025 թվականի հոկտեմբերի 13-ին:

Ընդդատության հարցը լուծելու համար էական նշանակություն ունեցող փաստական հանգամանքները.

4. Վլադիմիր Պետրոսյանի նկատմամբ ՀՀ քրեական օրենսգրքի 257-րդ հոդվածի 3-րդ մասի 3-րդ կետով և 257-րդ հոդվածի 2-րդ մասի 3-րդ կետով հանրային քրեական հետապնդում է հարուցվել հանրորեն վտանգավոր այն արարքի համար, որ «(...) [Ն]ա, Հովհաննես Ռազմիկի Հովհաննիսյանի, Արթուր Հմայակի Փանոսյանի և քննությամբ ինքնությունները դեռևս չպարզված այլ անձանց հետ, նախնական համաձայնությամբ և միասնական դիրավորությամբ, մեկը մյուսի գործողությունները փոխլրացնելով, տևական՝ 2021 թվականի հուլիսի 28-ից մինչև 2021 թվականի օգոստոսի 27-ն ընկած ժամանակահատվածում, բազմաթիվ նույնաբնույթ գործողություններով համակարգչային հափշտակությամբ ձեռք են

բերել ուրիշի գույք հանդիսացող առանձնապես խոշոր չափերի՝ 12.150.000 ՀՀ դրամ գումարը:

Մասնավորապես, Վլադիմիր Սերգեյի Պետրոսյանը և նրա հանցակիցները, Կրեյմլին լինելով «*****» ԲԲ և «*****» ՓԲ ընկերությունների համակարգչային համակարգերի կողմից խաղային օգտահաշիվներից նշված ընկերությունների ավտոմատ կանխիկացման մեքենաներով (այսուհետև՝ նաև՝ բանկոմատ) գումար կանխիկացնելու բնականոն ընթացքն ապահովող ծրագրային ապահովման թերությունից՝ «*****» ԲԲ և «*****» ՓԲ ընկերությունների բանկոմատների միջոցով գումարի կանխիկացման հարցմամբ խաղային օգտահաշիվներին կցված բջջային հեռախոսահամարին յուրաքանչյուր կանխիկացման նպատակով սրացված թվերի փեսքով մեկանգամյա կանխիկացման գաղտնաբառը երկու փարբեր բանկոմատներում մուտքագրելու և նույն խաղային հաշվից միևնույն գումարը միաժամանակ սրանսալու հնարավորության մասին, «*****» ՓԲ ընկերության «*****» և «*****» ՍՊ ընկերության «totogaming.am» բուքմեյքերական կայքերում, խաղադրույթներ կատարելու պարբերակով, իր և այլ անձանց անվամբ գրանցված խաղային հաշիվներին մուտքագրվել են դրամական միջոցներ: Այսուհետև, իրենց նախնական հանցավոր մրադրությունն ավարտին հասցնելու՝ խաղային օգտահաշիվներին մուտքագրված դրամական միջոցները կրկնակի կանխիկացնելու և հափշտակելու նպատակով, ապահովել են դրամական միջոցները կանխիկացնելու հնարավորությունը, մասնավորապես, մուտքագրված դրամական միջոցների արհեստական շրջանառությունն ապահովելու նկատառումով, կատարել են պարտության ցածր հավանականություն ունեցող խաղադրույթներ, որի արդյունքում՝ խաղային օգտահաշիվին գոյացած դրամական միջոցները՝ 41 կանխիկացման գործարքներով՝ «*****» ԲԲ և «*****» ՓԲ ընկերությունների բանկոմատների միջոցով գումարի կանխիկացման հարցմամբ խաղային օգտահաշիվներին կցված բջջային հեռախոսահամարին յուրաքանչյուր կանխիկացման նպատակով սրացված թվերի փեսքով մեկանգամյա կանխիկացման գաղտնաբառը և այդ խաղային օգտահաշիվի նույնականացման համարը (user կամ unique ID-ին) առանց իրավաչափ հիմքով նախատեսված թույլտվության երկու

տարբեր բանկոմատների ծրագրերում մուտքագրելով՝ բանկոմատների բնականոն աշխատանքին ներգործելով, Երևան և Գյումրի քաղաքներում գտնվող երկու տարբեր բանկոմատներից միևնույն խաղային օգտահաշվից միաժամանակ կատարել են միևնույն գումարի կանխիկացում, այդ կերպ հափշտակել առանձնապես խոշոր չափի՝ 12.930.000 ՀՀ դրամ գումար՝ «*****» ՓԲ ընկերությանը պատճատելով խոշոր չափի՝ 4.275.000 ՀՀ դրամ գումարի գույքային վնաս, իսկ «*****» ՍՊ ընկերությանը առանձնապես խոշոր չափի՝ 7.875.000 ՀՀ դրամ գումարի գույքային վնաս:

(...)

Բացի այդ,

Վլադիմիր Սերգեյի Պետրոսյանը 2022 թվականի փետրվարի 25-ից մինչև 2022 թվականի փետրվարի 26-ն ընկած ժամանակահատվածում համակարգչային հափշտակությանը ձեռք է բերել ուրիշի գույք հանդիսացող խոշոր չափերի՝ առնվազն 1.960.000 ՀՀ դրամ գումար:

Մասնավորապես, Վլադիմիր Սերգեյի Պետրոսյանը տեղյակ լինելով «*****» ՓԲ և «*****» ԲԲ ընկերությունների համակարգչային համակարգերի, ծրագրերի կողմից խաղային օգտահաշիվներից նույն ընկերության բանկոմատներից գումար կանխիկացնելու բնականոն ընթացքն ապահովող ծրագրային ապահովման թերությունից՝ «*****» ՓԲ ընկերության բանկոմատների միջոցով «*****» ընկերության խաղային օգտահաշվից գումարի կանխիկացման դեպքում կանխիկացման նպատակով թվերի տեսքով հեռախոսահամարին ստացված մեկանգամյա՝ 24 ժամ ակտիվ, կանխիկացման գաղտնաբառը և այդ խաղային օգտահաշվի նույնականացման համարը՝ (user ID)-ին, մուտքագրելու դեպքում բանկոմատի կողմից տրամադրվող թղթադրամները՝ քացառությամբ մեկի վերցնելու և բանկոմատում մեկ թղթադրամ թողնելու դեպքում բանկոմատը այն հետ տանելով արձանագրում է ամբողջ գումարի չստացման հնարավորության մասին, 2022 թվականի փետրվարի 25-ից մինչև 2022 թվականի փետրվարի 26-ն ընկած ժամանակահատվածում, բազմաթիվ նույնաբնույթ գործողություններով համակարգչային հափշտակությանը ձեռք է բերել ուրիշի գույք հանդիսացող առանձնապես խոշոր չափերի՝ առնվազն 1.960.000 ՀՀ դրամ գումար,

Դատարանն արձանագրում է, որ մեղադրյալ Վլադիմիր Պետրոսյանը արգելանքի փակ է գրնվում ՀՀ ԱՆ Արմավիր ՔԿ հիմնարկում:

(...)

Եկարի ունենալով, որ կողմերը փակ են իրենց համաձայնությունը ընդդատության փոխման վերաբերյալ, և վարույթի բոլոր մասնակիցները բնակվում են Շիրակի մարզից դուրս՝ Երևան քաղաքում, Դատարանը գրնում է, [որ] վարույթն ըստ ընդդատության պետք է փոխանցել Երևան քաղաքի առաջին արյանի ընդհանուր իրավասության քրեական դատարան՝ վարույթի արդյունավետ քննության անհրաժեշտությունից ելնելով (...)²:

6. Երևան քաղաքի առաջին ատյանի ընդհանուր իրավասության քրեական դատարանը 2025 թվականի հոկտեմբերի 10-ի որոշմամբ արձանագրել է հետևյալը. «(...) [Հ]արկ է արձանագրել, որ վկայակոչած իրավանորմի համաձայն՝ տարածքային ընդդատությունը բոլոր մեղադրյալների համաձայնությամբ կարող է փոխվել, եթե վարույթի մասնավոր մասնակիցների և վկաների մեծամասնությունը բնակվում է առաջին արյանի մեկ այլ դատարանի դատական տարածքում: Այս առումով տեղին է նկատել, որ սույն հարցի կապակցությամբ որոշումը կայացվել է 2025 թվականի սեպտեմբերի 30-ի դատական նիստի ընթացքում և ուշադրության է արժանի այն հանգամանքը, որ այդ դատական նիստին ներկա չեն գրնվել մեղադրյալը և վերջինիս պաշտպանը (պաշտպանները):

Մինչդեռ, մեղադրյալի բացակայության պայմաններում փյալ հարցի քննարկման վերաբերյալ դիրքորոշումներ արտահայտելը պետք է արձանագրել, որ քրեական վարույթը սրանձնելու և նախնական դատալսումներ նշանակելու մասին որոշումն ուղարկվել է ՀՀ ԱՆ «Արմավիր» քրեակատարողական հիմնարկի պետին՝ մեղադրյալ Վլադիմիր Սերգեյի Պետրոսյանի ներկայությունը 2025 թվականի սեպտեմբերի 30-ին նշանակված դատական նիստին ապահովելու նպատակով, սակայն 2025 թվականի սեպտեմբերի 30-ին ՀՀ Շիրակի մարզի առաջին արյանի ընդհանուր իրավասության դատարան է մուտքագրվել ՀՀ ԱՆ «Արմավիր» քրեակատարողական հիմնարկի պետի գրությունն առ այն, որ հետ է վերադարձվում

² Տե՛ս քրեական վարույթ, հատոր 9, թերթեր 71-72:

կալանավորված անձ Վլադիմիր Սերգեյի Պետրոսյանի վերաբերյալ Ձեր 17.09.2025թ. թիվ ՇԴ 6-11-27865/25 գրությունը, 19.03.2025թ որոշումը, քանի որ վերջինս, ՀՀ ԱՆ «Արմավիր» ՔԿ հիմնարկի հաշվառումներով չի անցնում: Ընդ որում, այս կապակցությամբ հարկ է նաև ընդգծել, որ 2025 թվականի սեպտեմբերի 30-ի դատական նիստի արձանագրության ձայնային կրիչի ուսումնասիրությամբ երևում է, որ մեղադրյալի ներկայության մասով ՀՀ Շիրակի մարզի առաջին ատյանի ընդհանուր իրավասության դատարանի կողմից ըստ էության արձանագրվել է այն, որ հեռախոսազանգի միջոցով պարզվել է, որ նշված գրությունը սխալմամբ է ուղարկվել և մեղադրյալը գրնվում է «Արմավիր» քրեակարարողական հիմնարկում, սակայն հայրնի չէ, թե մեղադրյալն արդյոք հայրնաբերվել է և ի վերջո բերելու են վերջինին, թե չեն բերելու: Այսինքն՝ վերոգրյալի պայմաններում Դատարանի գնահատմամբ հնարավոր չէ միանշանակորեն արձանագրել, որ Վլադիմիր Սերգեյի Պետրոսյանը ՀՀ ԱՆ «Արմավիր» քրեակարարողական հիմնարկում եղել է, թե ոչ, սակայն, այնուամենայնիվ, րեղի ունեցած դատական նիստի դրությամբ, ըստ ՀՀ ԱՆ «Արմավիր» քրեակարարողական հիմնարկի գրության՝ Վլադիմիր Սերգեյի Պետրոսյանը փվյալ քրեակարարողական հիմնարկի հաշվառումներով չի անցնում: Սակայն անկախ դրանից էլ՝ ՀՀ Շիրակի մարզի առաջին ատյանի ընդհանուր իրավասության դատարանին էլ հայրնի չի եղել, ի վերջո մեղադրյալը. ներկայացվելու է, թե ոչ և առհասարակ մեղադրյալի վերաբերյալ որևէ րեղեկարվություն հայրնի չի եղել:

Այսինքն՝ վերոգրյալի արդյունքում Դատարանը գրնում է, որ 2025 թվականի սեպտեմբերի 30-ի որոշման կայացման պահի դրությամբ չի պահպանվել ՀՀ քրեական դատավարության օրենսգրքի 261-րդ հոդվածի 5-րդ մասի պարտադիր պայմանը, այն է՝ րարածքային ընդդատությունը կարող է փոխվել բոլոր մեղադրյալների համաձայնությամբ:

Ինչ վերաբերում է րարածքային ընդդատությունը փոխելու վերաբերյալ փաստաքան Ժորա Սարգսյանի կողմից ուղարկված դիրքորոշմանը, ապա նախ հարկ է նշել, որ սույն գործով մեղադրյալը մինչև նախաքննության ավարտն ունեցել է այլ պաշտպան՝ հանրային պաշտպան Արման Բաղդասարյանը և ՀՀ Շիրակի մարզի առաջին ատյանի ընդհանուր իրավասության դատարանը վարույթը

ստանձնելով և նախնական դատալսումներ նշանակելով անձի պաշտպանի ներկայությունն ապահովելու նպատակով գրություն է հասցեագրվել ՀՀ փաստաբանների պալատի հանրային պաշտպանի գրասենյակին, մինչդեռ նշված նիստին հանրային պաշտպան չի մասնակցել և որևէ փաստական տվյալ առկա չէ չմասնակցելու պատճառների վերաբերյալ:

Իսկ ինչ վերաբերում է փաստաբան Ժորա Սարգսյանի կողմից ուղարկված գրավոր դիրքորոշմանը, ապա նախ հարկ է նշել, որ դրանով պաշտպանը ներկայացրել է բացառապես իր խնդրանքը և իր դիրքորոշումը տարածքային ընդդատությունը փոխելու հարցի կապակցությամբ: Այսինքն՝ նշված դիրքորոշման մեջ մեղադրյալի կամարտահայրության վերաբերյալ որևէ նշում առկա չէ: Իսկ ինչ վերաբերում է հնարավոր այն դատողությանը, որ այդ դիրքորոշումը ներկայացրել է մեղադրյալի պաշտպանը, հետևաբար դա բովանդակում է նաև մեղադրյալի կամարտահայրությունը, ապա հարկ է նշել, որ փաստաբան Ժորա Սարգսյանը որպես պաշտպան գրավոր դիրքորոշում է ուղարկել *****-ի դիմումի հիման վրա, ով նշել է, որ հանդիսանում է մեղադրյալի քույրը, սակայն այս առումով էլ հարկ է նկատել, որ ՀՀ Շիրակի մարզի առաջին արյանի ընդհանուր իրավասության դատարանը ևս 2025 թվականի սեպտեմբերի 30-ի դատական նիստով ըստ էության արձանագրել է, որ փաստաբան Ժորա Սարգսյանը, չնայած գործով ներգրավված չէ, սակայն առկա է *****-ի դիմումը, ով հավանաբար հանդիսանում է մեղադրյալի քույրը: Բացի այդ՝ այս կապակցությամբ հարկ է նկատել, որ *****-ը դիմումը ներկայացրել է երկու փաստաբանների մասով, ընդ որում տվյալ գրավոր դիրքորոշումը ևս գրված է երկու փաստաբանների անունից, սակայն ստորագրված է միայն մեկ փաստաբանի կողմից: Այլ կերպ՝ սովորական պայմաններում ինքնին միայն տվյալ փաստաբանի դիրքորոշումը հիմք ընդունելով որոշում կայացնելը, Դատարանի գնահատմամբ, չի ապահովում տարածքային ընդդատությունը փոխելու կապակցությամբ մեղադրյալի համաձայնության պայմանի առկայությունը, քանի որ ՀՀ քրեական դատավարության օրենսգրքի 261-րդ հոդվածի 5-րդ մասը նախատեսում է մեղադրյալի համաձայնության պայմանը, հետևաբար ինքնին միայն պաշտպանի ցանկությունը չի կարող բխել օրենսդրական տվյալ ձևակերպումից: Վերոգրյալի

հաշվառմամբ՝ Դատարանը գտնում է, որ այս պայմաններում ապահովված չէ մեղադրյալի դիրքորոշում հայրենելու իրավունքը: Բացի այդ՝ հարկ է արձանագրել նաև, որ նշված դատական նիստին ներգրավված երեք տուժողներից ներկա է գրավել միայն մեկ տուժողի ներկայացուցիչը, մինչդեռ մյուս երկու տուժողների մասով որևէ դիրքորոշում չի ներկայացվել՝ պայմանավորված տարածքային ընդդատությունը փոխելու հետ: Դատարանն այս հանգամանքը կարևորում է այնքանով, որ տուժողները հանդիսանում են ընկերություններ և գաղտնիք չէ, որ այդ ընկերություններն ունեն նաև մասնաձյուղեր և քննարկման առարկա չի դարձվել, թե ի վերջո տուժողների ներկայացուցիչներին հնարավոր է ապահովել միայն Երևանից, թե հնարավոր է ապահովել մասնաձյուղերից, մասնավորապես՝ Շիրակի մարզի մասնաձյուղից: Այսինքն՝ վերոգրյալի պայմաններում Դատարանը գտնում է, որ սույն հարցի քննարկման հետ կապված թվով երկու տուժողների դիրքորոշում արտահայտելու իրավունքը նույնպես ապահովված չէ:

Վերոգրյալի հաշվառմամբ՝ Դատարանն իր անհամաձայնությունն է հայտնում ընդդատության կանոնի կիրառմանը, ուստի գտնում է, որ հարկ է թիվ ՇԴ/0545/01/25 քրեական գործով ընդդատությունը որոշելու համար վարույթն ուղարկել ՀՀ վճռաբեկ դատարանի քրեական պալատին (...)³:

Վճռաբեկ դատարանի քրեական պալատի հիմնավորումները և եզրահանգումը.

7. Սույն վարույթով բարձրացված իրավական հարցը հետևյալն է. հիմնավոր է արդյո՞ք Շիրակի մարզի առաջին ատյանի ընդհանուր իրավասության դատարանի կողմից թիվ ՇԴ/0545/01/25 վարույթի տարածքային ընդդատությունը փոխելու և քրեական վարույթը Երևան քաղաքի առաջին ատյանի ընդհանուր իրավասության քրեական դատարան փոխանցելու մասին որոշումը:

8. ՀՀ Սահմանադրության 63-րդ հոդվածի 1-ին մասի համաձայն՝ «Յուրաքանչյուր ոք ունի անկախ և անաչառ դատարանի կողմից իր գործի արդարացի, հրապարակային և ողջամիտ ժամկետում քննության իրավունք»:

³ Տե՛ս քրեական վարույթ, հատոր 9, թերթեր 96-102:

9. «Մարդու իրավունքների և հիմնարար ազատությունների պաշտպանության մասին» եվրոպական կոնվենցիայի 6-րդ հոդվածի 1-ին մասի համաձայն՝ «Յուրաքանչյուր ոք, (...) նրան ներկայացված ցանկացած քրեական մեղադրանքի առնչությամբ, ունի օրենքի հիման վրա ստեղծված անկախ ու անաչառ դատարանի կողմից ողջամիտ ժամկետում արդարացի և հրապարակային դատաքննության իրավունք»:

9.1. Մարդու իրավունքների եվրոպական դատարանը, «օրենքի հիման վրա ստեղծված դատարան» հասկացությունը մեկնաբանելիս նշել է. «Այն երկրներում, որտեղ օրենքը կոդիֆիկացված է, դատական համակարգի կազմակերպումը չի կարող թողնվել դատական մարմինների հայեցողությանը, սակայն դա չի նշանակում, որ դատարաններն օժտված չեն համապարասիան ազգային օրենսդրությունը մեկնաբանելու որոշակի ազատությամբ»⁴:

Միևնույն ժամանակ, դատական մատչելիության իրավունքի համատեքստում Մարդու իրավունքների եվրոպական դատարանը նշել է, որ «Ներպետական դատական արյանները դատավարական կանոնները կիրառելիս պետք է ձեռնպահ մնան դրանց չափազանցված ձևականացումից, որն իր ազդեցությունը կունենա դատավարության արդարացիության վրա»⁵:

10. Վճռաբեկ դատարանն անձի՝ օրենքի հիման վրա ստեղծված դատարանի կողմից իր գործի քննության իրավունքի հիմնարար նշանակության վերաբերյալ իրավական դիրքորոշում է ձևավորել *Գևորգ Հարությունյանի* որոշմամբ⁶:

11. ՀՀ քրեական դատավարության օրենսգրքի 261-րդ հոդվածի համաձայն՝ «1. Առաջին արյանի ընդհանուր իրավասության դատարանին ընդդատյա են այն վարույթները, որոնք վերաբերում են այդ դատարանի դատական տարածքում ենթադրաբար կատարված հանցանքներին՝ անկախ քննչական ենթակայության կանոններից:

(...)

⁴ Տե՛ս Մարդու իրավունքների եվրոպական դատարանի՝ *Gorgiladze v. Georgia* գործով 2009 թվականի հոկտեմբերի 20-ի վճիռը, գանգատ թիվ 4313/03, 69-րդ կետ:

⁵ Տե՛ս Մարդու իրավունքների եվրոպական դատարանի՝ *Walchli v. France* գործով 2007 թվականի հուլիսի 26-ի վճիռը, գանգատ թիվ 35787/03, 29-րդ կետ:

⁶ Տե՛ս Վճռաբեկ դատարանի՝ *Գևորգ Հարությունյանի* գործով 2011 թվականի հուլիսի 13-ի թիվ ԵԿԴ/0211/01/10 որոշումը, կետեր 15-16:

5. Տարածքային ընդդարձությունը բոլոր մեղադրյալների համաձայնությամբ կարող է փոխվել, եթե վարույթի մասնավոր մասնակիցների և վկաների մեծամասնությունը բնակվում է առաջին արյանի մեկ այլ դատարանի դատական փարածքում: Ընդդարձությունը փոխելու որոշումն ընդունում է մեղադրանքը քննող դատարանը (...):»:

Նույն օրենսգրքի 263-րդ հոդվածի համաձայն՝ «(...) 4. Վարույթն ըստ փարածքային ընդդարձության սրացած առաջին արյանի ընդհանուր իրավասության դատարանը մինչև նախնական դատալսումներ նշանակելը եռօրյա ժամկետում որոշում է կայացնում վարույթը Վճռաբեկ դատարանի քրեական պալատի ուղարկելու մասին, եթե համաձայն չէ վարույթի փարածքային ընդդարձությանը:

(...)

7. Սույն հոդվածի 4-րդ մասով նախատեսված դեպքում Վճռաբեկ դատարանի քրեական պալատը վարույթը Վճռաբեկ դատարանում սրանալու պահից հնգօրյա ժամկետում վերջնականապես լուծում է վարույթի փարածքային ընդդարձության հարցը: (...):»:

12. Սույն վարույթի նյութերի ուսումնասիրությունից երևում է, որ՝

- Փաստաբան Ժ.Սարգսյանը Շիրակի մարզի առաջին ատյանի ընդհանուր իրավասության դատարան է ներկայացրել մեղադրյալ Վ.Պետրոսյանի նկատմամբ կիրառված խափանման միջոցի հարցի քննարկման վերաբերյալ դիրքորոշում, որում, ի թիվս այլնի, նշել է՝ «խնդրում եմ նաև քննության առնել նաև քրեական գործը Երևան քաղաքի առաջին արյանի ընդհանուր իրավասության քրեական դատարանին ընդդարձյալ լինելու հարցը»⁷:

- Շիրակի մարզի առաջին ատյանի ընդհանուր իրավասության դատարանը, փաստելով, որ կողմերը տվել են վարույթի տարածքային ընդդատությունը փոխելու վերաբերյալ իրենց համաձայնությունը, ինչպես նաև վարույթի մասնավոր մասնակիցների և վկաների մեծամասնությունը բնակվում է Շիրակի մարզից դուրս՝ Երևան քաղաքում, գտել է, որ վարույթն ըստ տարածքային ընդդատության պետք է

⁷ Տե՛ս քրեական վարույթ, հատոր 9, թերթեր 47-53:

փոխանցել Երևան քաղաքի առաջին ատյանի ընդհանուր իրավասության քրեական դատարան⁸:

- Երևան քաղաքի առաջին ատյանի ընդհանուր իրավասության քրեական դատարանը, փաստելով, որ վարույթի տարածքային ընդդատության հարցի քննարկումը չի իրականացվել մեղադրյալի մասնակցությամբ, իսկ պաշտպանական կողմի գրավոր դիրքորոշմամբ պաշտպանները ներկայացրել են բացառապես իրենց խնդրանքը, գտել է, որ սույն վարույթի տարածքային ընդդատությունը փոխելու վերաբերյալ մեղադրյալի կամարտահայտությունը բացակայում է⁹:

13. Նախորդ կետում մեջբերված փաստական հանգամանքները գնահատելով սույն որոշմամբ վկայակոչված իրավադրույթների և արտահայտված իրավական դիրքորոշումների լույսի ներքո՝ Վճռաբեկ դատարանի քրեական պալատը գտնում է, որ Շիրակի մարզի առաջին ատյանի ընդհանուր իրավասության դատարանը, քրեական վարույթի տարածքային ընդդատությունը փոխելիս և վարույթը Երևան քաղաքի առաջին ատյանի ընդհանուր իրավասության քրեական դատարան փոխանցելիս, չի պահպանել ՀՀ քրեական դատավարության օրենսգրքի 261-րդ հոդվածի 5-րդ մասի պահանջները:

Մասնավորապես, սույն վարույթով Շիրակի մարզի առաջին ատյանի ընդհանուր իրավասության դատարանը դատական նիստն անցկացրել է մեղադրյալ Վ.Պետրոսյանի բացակայությամբ և առանց վերջինիս՝ վարույթի տարածքային ընդդատությունը փոխելու վերաբերյալ կամահայտությունը պարզելու, որոշում է կայացրել վարույթն ըստ ընդդատության Երևան քաղաքի առաջին ատյանի ընդհանուր իրավասության քրեական դատարան փոխանցելու մասին՝ հիմք ընդունելով փաստաբան Ժ.Սարգսյանի կողմից դատարան ներկայացված դիրքորոշումը: Նշվածի հաշվառմամբ Վճռաբեկ դատարանի քրեական պալատը գտնում է, որ տվյալ պարագայում, առանց մեղադրյալ Վ.Պետրոսյանի համաձայնության, վարույթի տարածքային ընդդատությունը փոխելը իրավաչափ համարվել չի կարող:

⁸ Տե՛ս սույն որոշման 5-րդ կետը:

⁹ Տե՛ս սույն որոշման 6-րդ կետը:

14. Վերոշարադրյալի հիման վրա Վճռաբեկ դատարանի քրեական պալատն արձանագրում է, որ Շիրակի մարզի առաջին ատյանի ընդհանուր իրավասության դատարանի կողմից թիվ ՇԴ/0545/01/25 քրեական վարույթի տարածքային ընդդատությունը փոխելու և քրեական վարույթը Երևան քաղաքի առաջին ատյանի ընդհանուր իրավասության քրեական դատարան փոխանցելու մասին որոշումը հիմնավոր չէ:

15. Ամփոփելով՝ Վճռաբեկ դատարանի քրեական պալատը գտնում է, որ սույն քրեական վարույթն ըստ ընդդատության պետք է ուղարկել Շիրակի մարզի առաջին ատյանի ընդհանուր իրավասության դատարան:

Վերոգրյալի հիման վրա և ղեկավարվելով ՀՀ քրեական դատավարության օրենսգրքի 263-րդ հոդվածի 7-րդ մասով՝ Վճռաբեկ դատարանի քրեական պալատը

Ո Ր Ո Շ Ե Ց

Թիվ ՇԴ/0545/01/25 քրեական վարույթն ըստ ընդդատության ուղարկել Շիրակի մարզի առաջին ատյանի ընդհանուր իրավասության դատարան:

Նախագահող՝ _____ Հ.ԱՍԱՏՐՅԱՆ

Դատավորներ՝ _____ Հ.ԳՐԻԳՈՐՅԱՆ

_____ Ա.ԴԱՆԻԵԼՅԱՆ

_____ Լ.ԹԱԴԵՎՈՍՅԱՆ

_____ Ա.ՊՈՂՈՍՅԱՆ